

THE SARUM RITE
Breviarium Sarisburiense cum nota.

Tome B.
Fasciculus 18.
Pages 693-730.

Proprium de tempore.
Dominice et ebdomade
post octavas epyphanie.

Edited by William Renwick.

HAMILTON ONTARIO.
THE GREGORIAN INSTITUTE OF CANADA.
MMVIII.

The Sarum Rite is published by The Gregorian Institute of Canada/L'Institut grégorien du Canada, 45 Mercer Street, Dundas, Ontario, Canada L9H 2N8. The Gregorian Institute of Canada is affiliated with the School of the Arts, McMaster University.

The Sarum Rite is distributed over the internet through .pdf files located at: www.sarum-chant.ca

This document first published August 1, 2008.

Revised October 2011.

All rights reserved. This publication may be downloaded and stored on personal computers, and may be printed for purposes of research, study, education, and performance. No part of this publication may be uploaded, printed for sale or distribution, or otherwise transmitted or sold, without the prior permission in writing of the Gregorian Institute of Canada.

The Gregorian Institute of Canada/L'Institut grégorien du Canada is a charitable organization registered by the Federal Government of Canada.

www.gregorian.ca

© The Gregorian Institute of Canada, 2008.

¶ *Dominica ij. post octavas epyphanie.*

Ad [j.] vespervas.

Ant. Benedíctus. [350].

Ps. Ipsum. (cxliij.) [350].

Capitulum, hymnus, versus et antiphona super psalmum Magnificat. ut supra in [prima]¹ dominica precedenti. 634.

Oratio.

DMnípotens sempitérne Deus
qui celéstia simul et terréna
moderáris, supplicatiónes pópuli tui

cleménter exáudi : et pacem tuam
nostris concéde tempóribus. Per
Dóminum.

¶ *Ad matutinas.*

Invitatorium, hymnus, antiphone, psalmi, versus et responsoria sicut in precedenti dominica 635. et sic fiat omnibus dominicis usque ad lxx. quando de dominica agitur.

Lectiones de epístola Pauli ad Chorin. j.

Lectio prima. (1. Corin. j. : 1.)

Aulus vocátus apóstolus ²
Jesu Christi per voluntátem
Dei, et Sósthene frater,
ecclésie Dei que est Corínthi,
sanctificátis in Christo Jesu vocátis
sanctis, cum ómnibus qui ínvocant
nomen Dómini nostri Jesu Christi in
omni loco ipsórum et nostro : grátia
vobis et pax a Deo Patre nostro et
Dómino Jesu Christo. Grátias ago
Deo meo semper pro vobis in grátia
Dei que data est vobis in Christo
Jesu : quia in ómnibus dívites facti

estis in illo, in omni verbo et in omni
sciéntia : sicut testimónium Christi
confirmátum est in vobis, ita ut nichil
vobis desit in ulla grátia,
expectántibus reve-latióne Dómini
nostri Jesu Christi, qui et confirmábit
vos usque in finem sine crímine, in
diem advéntus Dómini nostri Jesu
Christi. Fidélis Deus : per quem
vocáti estis in societátem Fílii ejus
Jesu Christi Dómini nostri. Tu autem
[Dómine miserére nostri].³

Lectio ij. (I. Cor. i. : 10.)

Bsécro autem vos fratres, per nomen Dómini nostri Jesu Christi, ut id ipsum dicátis omnes : et non sint in vobis scismáta. Sitis autem perfécti in eódem sensu : et in éadem scientia. Significátum enim est michi de vobis, fratres mei ab his qui sunt Cloes : quia contentiónes sunt inter vos. Hoc autem dico : quod unusquisque vestrum dicit, Ego quidem sum Pauli, ego autem Apóllo,

ego vero Cephe : ego autem Christi. Divísus est ergo Christus ? Nunquid Paulus crucifixus est pro vobis : aut in nómine Pauli baptizáti estis ? Grátias ago Deo meo quod néminem vestrum baptizávi nisi Crispum et Gayum : ne quis dicat quod in nómine meo baptizáti estis. Baptizávi autem et Stéphane domum. Céterum néscio si quem álium vestrum baptizáverim.

Lectio iij. (I. Cor. j. : 17.)

Non enim misit me Christus baptizáre sed evangelizáre, non in sapiéntia verbi : ut non evacuétur crux Christi. Verbum enim crucis pereúntibus quidem stultítia est : his autem qui salvi fiunt, id est nobis, virtus Dei est. Scriptum est enim, Perdam sapiéntiam sapiéntum : et prudéntiam prudéntum reprobábo.

Ubi sápiens ? Ubi scriba ? Ubi conquisitor hujus séculi ? Nonne stultam fecit Deus sapiéntiam hujus mundi ? Nam quia in Dei sapiéntia non cognóvit mundus per sapiéntiam Deum : plácuít Deo per stultítiam predicationis salvos fácere credentes. [68v.] Quóniam et Judéi signa petunt : et Greci sapiéntiam querunt.

Lectio iiij. (I. Cor. j. : 23.)

Nos autem predicámus Christum crucifixum : Judéis quidem scándalum, géntibus autem stultítiam. Ipsi autem vocátis Judéis atque Grecis : Christum Dei virtútem et Dei sapiéntiam. Quia quod stultum est Dei, sapiéntius est homínibus : et quod infirmum est Dei, fórtius est homínibus. Vidéte enim

vocationem vestram fratres quia non multi sapiéntes secúndum carnem, non multi poténtes, non multi nóbiles, sed que stulta sunt mundi elégit Deus ut confúndat sapiéntes, et infirma mundi elégit Deus ut confúndat fórtia : et ignobília mundi, et contemptibília elégit Deus et ea que non sunt, ut ea que sunt destrúeret :

ut non gloriétur omnis caro in conspéctu ejus. Ex ipso autem vos estis in Christo Jesu qui factus est nobis sapiéntia a Deo et justícia et

sanctificátio et redémptio : ut quemádmódum scriptum est, qui gloriátur in Dómino gloriétur.

Lectio v. (1. Cor. ij. : 1.)

Fratres, ego cum veníssem ad vos veni, non in sublimitáte sermónis aut sapiéntie : annúncians vobis testimónium Christi. Non enim judicávi scire me áliquid inter vos nisi Christum Jesum : et hunc crucifíxum. Et ego in infirmitáte et

in timóre et tremóre multo fui apud vos. Et sermo meus et predicátio mea non in persuasíbilibus humáne sapiéntie verbis sed in ostensióne Spíritus et virtútis : ut fides vestra non sit in sapiéntia hóminum, sed in virtúte Dei.

Lectio vj. (1. Cor. ij. : 6.)

Sapiéntiam autem lóquimur inter perféctos : sapiéntiam vero non hujus séculi neque princípum hujus séculi qui destruúntur : sed lóquimur Dei sapiéntiam in mystério que abscondita est, quam predes-tinávit Deus ante sécula in glóriam nostram, quam nemo princípum hujus séculi cognóvit. Si enim cognovissent : nunquam Dóminum glórie crucifixissent. Sicut scriptum

est quod óculus non vidit, nec auris audivit, nec in cor hóminis ascéndit : que preparávit Deus his qui díligunt illum. Nobis autem revelávit Deus per Spíritum suum. Spíritus enim ómnia scrutátur : étiam profúnda Dei. Quis enim scit hóminum que sunt hóminis : nisi spíritus hóminis qui in ipso est ? Ita et que sunt Dei nemo cognóvit : nisi Spíritus Dei.

¶ *[Evangelium]⁴ Secundum Johannem ij. [: 1-11.]*



In illo témpore. Núptie facte sunt in Chana Galilée : et erat mater Jesu ibi. Vocátus est autem Jesus : et discípuli ejus ad núptias. Et reliqua.

Omelia venerabilis Bede presbyteri.

(10. libri primi omeliarum.)⁵

Quod Dóminus⁶ atque Salvátor noster ad núptias vocátus, non solum veníre sed et miráculum íbidem quo convívas letificáret fácere dignátus est : excéptis sacramentórum celés-

tium figuris, etiam juxta litteram fidem recte credentium confirmat. Porro Taciáni et Marciáni ceterorumque qui nuptiis détrahunt perfidia : quam sit damnábilis insínuat. Si enim thoro immaculáto, et nuptiis débita castitate celebráti culpa inésset : nequáquam Dóminus ad has veníre, nequáquam suórum signórum inítiis consecráre volúisset. Nunc autem quia bona est cástitas conju-

gális, mélior continéntia viduális, óptima perféctio virginális : ad comprobándam ómnium electiónem grádium, discernéndum tamen méritum singulórum, ex intemeráto Marié virginis útero nasci dignátus est, a prophético Anne vidue ore, mox natus benedícitur, a nuptiárum celebratóribus jam júvenis invitátur, et hos sue preséntia virtútis honórat, et altiorem celéstium letíciam figurat.

Lectio viij.

Mirácula namque factúrus in terra Dei Fílius venit ad nuptias, ut ipsum se esse doceret : de quo sub typo solis psalmísta precínit. Et ipse tanquam sponsus procedens de thálamo suo : exultávit ut gygas ad curréndam viam. A summo celo egressio ejus : et occúrsus ejus usque ad summum ejus. Qui et ipse quodam loco de se suisque fidélibus ait. Nunquid possunt filii sponsi lugére, quándiu cum illis est sponsus ? Venient autem dies cum auferétur ab

eis sponsus : et tunc jejunábunt. Quia nimirum incarnátio nostri Salvatóris, ex quo pátribus cepit promítti : multis sanctórum est [69r.] láchrimis et luctu semper expectáta donec veníret. Simíliter ex quo post resurrectionem ascéndit ad celum : omnis sanctórum spes ad ejus pendet réditum. Solo autem quo cum homínibus conversátus est témpore, flere ac lugére nequívérunt : quia jam secum étiam corporáliter eum quem spirituáliter dilexérunt habébant.

Lectio ix.

Sponsus ergo Christus : sponsa ejus est ecclésia. Fílii sponsi vel nuptiárum : sínguli quique fidélium ejus sunt. Tempus nuptiárum est tempus illud : quando per incarnationis mystérium, sanctam sibi ec-

clésiam sociávit. Non ígitur casu, sed certi causa mystérii venit ad nuptias in terra carnáli more celebrátas : qui ad copulándam sibi spirituáli amóre ecclésiam, de celo descéndit ad terram. Cujus quidem thálamus, incorrupte

genitrícis úterus fuit, in quo Deus humane natúre conjúctus est : et ex quo ad sociándam sibi ecclésiám tanquam sponsus procéssit. Primus nuptiárum locus Judéa éxtitit : in qua Dei Fílius homo fieri, et ecclésiám sui córporis ac sánguinis participatióne

consecráre et sui Spíritus pignóre in fide confirmáre dignátus est. Sed vocátis ad fidem géntibus : usque ad finem orbis terre earúndem nuptiárum vótiva gáudia pervenérunt. Tu autem.

¶ *In laudibus.*


Hec sola antiphona Regnavit. 653. ut supra dictum est.

AS:126; 1519:127r; 1531:69r.⁷

Ant.
VIII.iv.



Upti- e * facte sunt in Cha-na Ga-li-lé- e : et e-rat



i-bi Je-sus cum Ma-rí- a matre e-jus. *Ps. Benedictus. 60**.

[*Oratio ut supra.*]⁸


¶ *Ad vespas.*

AS:126; 1519:127r; 1531:69r.


Ant.
I.i.



E- fi-ci- énte * vi-no jussit Je-sus implé-re ýdri-



as aqua, que in vi-num convérsa est al-le- lú-ya.



Ps. Magnificat. 43.³*

[Oratio ut supra.]¹⁰ 693.

Feria ij. et quotidie in omnibus feriis supradictus ordo feriarum servetur usque ad xl. nisi de responsoriis infra septuagesimam : tunc enim dicuntur responsoria de hystoria dominicali.

¶ *Feria ij.*

Lectio prima. (1 Corin. ij. : 12.)

MOs autem non spírítum hujus mundi accépinus, sed spírítum qui ex Deo est : ut sciámus que a Deo donáta sunt nobis,

que et lóquimur, non in doctis humáne sapiéntie verbis, sed in doctrína Spírítus spirituálibus spirituália comparántes.

Lectio ij. (1 Cor. ij. : 14.)

ANimális autem homo : non pércipit ea que sunt Spírítus Dei. Stultícia enim est illi et non potest intelligere : quia spirituáliter examinátur. Spírítuális autem júdicat

ómnia : et ipse a némine judicátur. Quis enim cognóvit sensum Dómini, aut quis instrúxit eum ? Nos autem sensum Christi habémus.

Lectio iij. (1 Cor. iij. : 1.)

ET ego fratres non pótui vobis loqui quasi spirituálibus : sed quasi carnálibus. Tanquam párvulis in Christo, lac vobis potum dedi : non escam. Nondum enim poterátis, sed

nec nunc quidem potéstis. Adhuc enim estis carnáles. Cum enim sit inter vos zelus et conténtio : nonne carnáles estis et secúndum hómínem ambulátis.

¶ *Feria tertia.*

Lectio prima. (I. Cor. iij. : 4.)

CUm enim quis dicat, ego quidem sum Pauli : alius autem, ego Apóllo, nonne hómines estis ? Quid est igitur Apóllo ? Quid vero Paulus ? Ministri ejus cui credidistis : et unicuique sicut

Deus dedit. Ego plantávi, Apóllo rigávit : sed Deus incrementum dedit. Itaque neque qui plantat est aliquid, neque qui rigat : sed qui incrementum dat Deus. Qui plantat autem et qui rigat unum sunt.

Lectio secunda. (I. Cor. iij. : 8.)

UNusquisque autem própriam mercédem accípiet : secúndum suum labórem. Dei enim sumus adjutóres, Dei agricultúra estis : Dei edificatio estis. Secúndum grátiam Dei que data est michi, ut sápiens

architétus fundaméntum pósui : alius autem superedíficat. Unusquisque autem vídeat quómo modo superedíficet. Fundaméntum enim aliud nemo potest pónere preter id quod pósitum est : quod est Christus Jesus.

Lectio tertia. (I. Cor. iij. : 12.)

SI quis autem superedíficat¹¹ super fundaméntum hoc, aurum, et argéntum, lápides precíosos, ligna, fenum, stípulam : uniuscújusque opus maniféstum erit. Dies enim Dómini declarábit, quia in igne revelábitur : et uniuscújusque

opus quale sit ignis probábit. Si cujus opus ménsert quod superedificávit : mercédem accípiet. Si cujus opus árserit : detriméntum patiétur. Ipse autem salvus erit : sic tamen quasi per ignem.

¶ *Feria iiij.*

Lectio j. (I. Corin. iij. : 16.)

Nescitis quia templum Dei estis, et Spíritus Dei hábitat in vobis ? Si quis autem templum Dei violáverit, dispédet illum Deus. Templum

[69v.]

enim Dei sanctum est : quod estis vos. Nemo se sedúcat. Si quis vidétur inter vos sápiens esse in hoc século : *Job. v.* stultus fiat ut sit sápiens. Sapiéntia enim hujus mundi : stultítia est apud

Deum. Scriptum est enim, Compre-
héndam sapiéntes in astútia eórum.
Et íterum, Dóminus novit cogita-

tiónes sapiéntium : quóniam vane
sunt.

Lectio ij. (1. Cor. iij. : 21.)

ITaque nemo gloriétur in
homínibus. Omnia enim vestra
sunt : sive Paulus, sive Apóllo, sive
Cephas, sive mundus, sive vita, sive
mors, sive preséntia, sive futúra.
Omnia enim vestra sunt : vos autem
Christi, Christus autem Dei.

1. Cor. iv. Sic nos exístimet homo ut
minístros Christi : et dispensatóres
ministeriór¹² Dei. Hic jam qué-
ritur inter dispensatóres : ut fidélis

quis inveniátur. Michi autem pro
mínimo est ut a vobis júdicer, aut ab
humáno die : sed neque meípsum
júdico. Nichil enim michi cóncius
sum : sed non in hoc justificátus sum.
Qui autem júdicat me Dóminus est.
Itaque nolíte ante tempus judicáre¹³ :
quoadúsque véniat Dóminus, qui et
illuminábit abscóndita tenebrárum, et
manifestábit consília córdium, et tunc
laus erit unicuíque a Deo.

Lectio tertia. (1. Cor. iv. : 6.)

Hec autem fratres transfigurávi in
me et Apóllo propter vos : ut in
nobis discátis ne supra quam scriptum
est, unus advérsus álterum inflétur
pro álío. Quis enim te discérnit ?
Quid autem habes quod non accepísti ?
Si accepísti, quid gloriáris quasi non
accéperis ? Jam saturáti estis : jam
dívites facti estis. Sine nobis regnáti.
Et útinam regnéti : ut et nos
vobíscum regnémus. Puto enim quod
Deus apóstolos nos novíssimos
osténdit : tanquam morti destinátos.
Quia spectáculum facti sumus mundo :
et ángelis et homínibus. Nos stulti
propter Christum : vos autem

prudéntes in Christo. Nos infirmi :
vos autem fortes. Vos nóbiles : nos
autem ignóbiles. Usque in hanc
horam et esúrimus et sitímus, et nudi
sumus. Et cólaphis cédimur, et
instábiles sumus : et laborámus
operántes mánibus nostris. Male-
dícimur : et benedícimus. Perse-
cutiónem pátimur : et sustinémus.
Blasphemámur : et obsecrámus.
Tanquam purgaménta hujus mundi
facti sumus : ómnium perípsima
usque adhuc. Non ut confúdam vos
hoc scribo : sed ut filios meos cha-
ríssimos móneo. Tu autem.

¶ *Feria v.*

Lectio j. (I. Cor. iv. : 15.)

M Am si decem mília pedagogórum habeátis in Christo : sed non multos patres. Nam in Christo Jesu per evangélium ego vos génuí. Rogo ergo vos : imitatóres mei estóte, sicut et

ego Christi. Ideo misi ad vos Tymótheum qui est filius meus charíssimus et fidélis in Dómino : qui vos commonefáciat vias meas que sunt in Christo Jesu, sicut úbique in omni ecclésia dóceo.

Lectio ij. (I. Cor. iv. : 18.)

TAnquam non ventúrus sim ad vos : sic infláti sunt quidam. Véniam autem ad vos cito : si Dóminus volúerit. Et cognóscam non sermónem eórum qui infláti sunt :

sed virtútem. Non enim in sermóne est regnum Dei : sed in virtúte. Quid vultis ? In virga véniam ad vos, an in charitáte et spírítu mansuetúdinis ?

Lectio tertia. (I. Cor. v. : 1.)

OMnino audítur inter vos fornicátio, et talis fornicátio qualis nec inter gentes : ita ut uxórem patris sui áliquis hábeat. Et vos infláti estis, et non magis luctum habuístis : ut tollátur de médio vestrum qui hoc opus fecit. Ego quidem absens córpore, presens autem spírítu, jam

judicávi ut presens eum qui sic operátus est, in nómine Dómini nostri Jesu Christi congregátis vobis et meo spírítu cum virtúte Dómini Jesu, trádere hujúsmodi Sáthane in intéritum carnis : ut spírítus salvus sit in die Dómini nostri Jesu Christi.

¶ *Dominica iij.*

[*Ad vesperas.*]¹⁴

Oratio.

¶ **D**mnípotens sempitérne Deus
infirmítatem nostram propícus
réspice : atque ad protegéndum nos

déxteram tue majestátis exténde. Per
Dóminum.

¶ *Ad matutinas.*

Lectioes de epistola Pauli ad Chorinth. Secunda.

Lectio prima. (2. Cor. j. : 1.)

DAulus apóstolus Jesu Christi
per voluntátem Dei, et
Tymótheus frater ecclésie
Dei que est Corínthi, cum ómnibus
sanctis qui sunt in univérſa Acháia :
grátia vobis et pax a Deo Patre nostro
et Dómino Jesu Christo. Benedíctus
Deus et Pater Dómini nostri Jesu
Christi, Pater misericordiárum et
Deus tótius consolatiónis : qui
consolátur nos in omni tribulatióne
nostra : ut póssimus et ipsi consolári
eos qui in omni pressúra sunt, per
exhortatióne[m] qua exhortámur et ipsi

[70r.]

a Deo. Quóniam sicut abúndant
passiões Christi in nobis, ita et per
Christum abúndat consolátio nostra.
Sive autem tribulámur pro vestra
exhortatióne et salúte, sive
consolámur pro vestra consolatióne,
sive exhortámur pro vestra exhor-
tatióne et salúte que operátur
tollerántiam earúndem passiónum
quas et nos pátimur : ut spes nostra
firma sit pro vobis, sciéntes quóniam
sicut sócii passiónum estis, sic éritis et
consolatiónis.

Lectio ij. (2. Cor. i. : 8.)

Non enim vólumus vos ignoráre
fratres, de tribulatióne nostra
que facta est in Asia, quóniam supra
modum graváti sumus et supra vir-
tútem : ita ut téderet nos étiam vívere.
Sed et ipsi in nobisípsis respónsum

mortis habúimus, ut non simus
fidéntes in nobis : sed in Deo qui
súscitat mórtuos, qui de tantis
perículis erípuit nos et éruit, in quem
sperámus quóniam et adhuc erípiet,
adjuvántibus vobis in oratióne pro

nobis : ut ex multárum persónis faciérum, ejus que in nobis est donatiónis per multos agántur grátie pro nobis. Nam glória nostra hec est, testimónium consciénte nostre, quod

in simplicitáte cordis et sinceritáte Dei, et non in sapiéntia carnáli, sed in grátia Dei conversáti sumus in hoc mundo : abundantius autem ad vos.

Lectio tertia. (2. Cor. j. : 13.)

Non enim ália scríbimus vobis : quam que legístis et cognovístis. Spero autem quod usque in finem cognoscétis : sicut et cognovístis nos ex parte. Quia glória vestra sumus sicut et vos nostra, in die Dómini nostri Jesu Christi. Et hac confidéntia vólui prius veníre ad vos : ut secúndam grátiam haberétis, et per

vos transírem in Macedóniam, et íterum a Macedónia veníre ad vos, et a vobis dedúci in Judéam. Cum ergo hoc voluíssem, nunquid levitáte usus sum ? Aut que cógito secúndum carnem cógito, ut sit apud me est et non ? Fidélis autem Deus : quia sermo noster qui fuit apud vos, non est in illo, est et non.

Lectio iiij. (2. Cor. j. : 19.)

DEi enim Fílius Jesus Christus qui in vobis per nos predicátus est, per me et Silvánum et Tymótheum : non fuit in illo est et non, sed est in illo fuit. Quotquot enim promissiónes Dei sunt in illo étiam. Ideo et per ipsum dícimus amen Deo : ad glóriam vestram. Qui autem confirmat nos vobiscum in Christo et qui unxit nos Deus : et qui signávit nos et dedit pignus Spíritus in córdibus nostris. Ego autem testem ínvoco Deum in ánimam meam, quod parcens vobis non veni

ultra Corínthum. Non quia dominámur fidéi vestre : sed adjutóres sumus gáudii vestri. Nam fide státis.

Státui autem hoc ipsum apud me : *2. Cor. ij.* ne íterum in tristícia venírem ad vos. Si enim ego contrísto vos, et quis est qui me letíficet, nisi qui contristátur ex me ? Et hoc ipsum scripsi vobis, ut non cum vénero tristíciam super tristíciam hábeam : de quibus oportúerat me gaudére confidens in ómnibus vobis, quia meum gáudium ómniium vestrum est. Tu autem.

Lectio quinta. (2. Cor. ij. : 4.)

FRatres, ex multa tribulatióne et angústia cordis scripsi vobis per multas láchrymas, non ut contristémini : sed ut sciátis quam charitátem hábeam abundantius in vobis. Si quis autem contristávit me : non me contristávit sed ex parte, ut non ónerem omnes vos. Súfficit illi qui hujúsmodi est, objurgátió hec que fit a plúribus : ita ut econtrário magis donétis et consolémini, ne forte

abundantióri tristícia absorbeátur qui hujúsmodi est. Propter quod obsécro vos ut confirmémis in illum charitátem. Ideo enim et scripsi vobis ut cognóscam experiméntum vestrum : an in ómnibus obediétes sitis. Cui autem aliquid donástis et ego. Nam et ego quod donávi si quid donávi propter vos in persóna Christi : ut non circumveniámur a Sáthana. Non enim ignorámus cogitatiónes ejus.

Lectio vj. (2. Cor. ij. : 12.)

CUm autem veníssem Tróadem propter evangélium Christi, et óstium michi apértum esset in Dómino : non hábui réquiem spiritui meo, eo quod non invénerim Tythum fratrem meum : sed valefáciens eis proféctus sum in Macedóniam. Deo autem grátias qui semper triúmphant nos in Christo Jesu : et odórem notície sue maniféstat per nos in

omni loco, quia Christi bonus odor sumus Deo, in his qui salvi fiunt, et in his qui péreunt. Aliis quidem odor [70v.] mortis in mortem : áliis autem odor vite in vitam. Et ad hec quis tam idóneus ? Non enim sumus sicut plúrimi adulterántes verbum Dei : sed ex sinceritáte sicut ex Deo coram Deo in Christo lóquimur.

L *Lectio sancti evangelii secundum Mattheum, viij. [1-13.]*



IN illo témpore. Cum descendisset Jesus de monte : secúte sunt eum turbe multe. Et reliqua.

Omelia Origenis. (5. inter diversos.)

DOcénte in monte Dómino : discípuli venérunt ad eum, sicut alácres, sicut doméstici, sicut próximi, sicut amíci vel fratres. Ideo ait Dóminus ad eos. Vos estis sal terre : et vos estis lux mundi. Nunc vero descendénte eódem de monte, turbe secúte sunt eum que in montem

ascendere non potuerunt : ut pigri populi, ut negligentes, ut imperfecti. Ita et filii Israel primitus in montem ascendere non valuerunt, ad obviandum Deo pergere non potuerunt, propter suam irreligiositatem et impietatem : sed solus Moyses ascendit et pauci cum eo seniorum Israel. Ita et cum Domino discipuli soli in montem ascenderunt : et tardiores deorsum steterunt. Sic et

modo vigilantes et alacres et fideles anime Deum timentes, et Dominum diligentes, regna celestia desiderantes, Dominum semper sequentes post Dominum in illum celestem montem ascendant : audientes apostolum dicentem, Que sursum sunt querite : non que super terram. Que sursum sunt sapite : ubi Christus est in dextera Dei sedens.

Lectio octava.

Descendente nunc Domino, hoc est inclinante se ad infirmitatem et humilitatem et impotentiam ceterorum : misertus est imperfectioni eorum vel infirmitati, secute sunt eum turbe multe. Aliquanti propter charitatem, aliquanti propter doctrinam : aliquanti propter admirationem et curationem. Et ecce homo leprosus unus ex illis qui curam querabant : qui levamen desiderabant.

Et ecce leprosus veniens : adorabat eum dicens, Domine, si vis potes me mundare. Deorsum currens rogas, o homo : et in monte nichil dicis ? Quare sic ? Quia tempus et tempora, omni rei sub celo. Tempus doctrine : et tempus curationis. In monte docuit, illuminavit, monuit : animas curavit, corda sanavit. Propterea ergo illa majora tentare volui : illa summa tardare passus sum.

Lectio nona.

Ipsis ergo ab illo completis, deorsum eo de monte ad curandum descendente sicut de celo, sicut de celestibus montibus ad salvandos carnales : venit ad eum homo leprosus adorans eum. Antequam peteret : adorare ceperat. Antequam rogaret, culturam ostendit.

Adoravit eum. Pro hoc ipso Deum et Dominum eum invocans : adorabat eum. Sic et illi beati Magi prius procedentes adoraverunt eum : et ita demum munera ei obtulerunt. Eodem modo et nunc iste cadens adoravit : et sic supplicem obtulit postulationem Domino dicens, Tu


qui digne adoráris, qui mérito cóleris :
te ego ut Dóminum adóro. Ideóque
te Dóminum dico, ópera prius
contéstans : et sic verba loquens. Per

te enim ómnia facta sunt. Tu ergo
Dómine si vis, potes me mundáre.
Volúntas tua opus est : ideo si vis
potes me mundáre.

[**C** *In laudibus.*]

AS:126; 1519:127v; 1531:70v.¹⁵

1985. Ant.
VIII.i.



Um autem * descendís-set Je-su de monte : ecce lep-
rósus vé-ni- ens a-do-rá-bat e-um di-cens : Dómi-ne, si
vis po-tes me mundá-re, et exténdens ma-num te-tí-git
e-um di-cens, Vo- lo mundá-re. *Ps.* Benedíctus. 69*.

[*Oratio ut supra.*]¹⁶ 702.


[**C** *Ad vesperas.*

AS:126, 149; 1519:127v, 145r; 1531:70v.¹⁷

2368. Ant.
I.iii.



O- mi-ne, * pu-er me-us ja-cet pa-ra-lí-ti-cus in



domo, et ma-le torqué-tur. Amen di-co ti-bi : e-go vé-
ni- am et cu-rá-bo e-um. *Ps. Magníficat. 46**.

[*Oratio ut supra.*]¹⁸ 702.

¶ *Feria secunda.*

Lectio prima. (2. *Cor. iij. : 1.*)

Nncipimus iterum nosmetipsos commendare? Aut nunquid egemus sicut quidam commendaticiis epistolis ad vos aut ex vobis? Epistola nostra vos estis scripta in cordibus nostris, que scitur et legitur ab omnibus

hominibus : manifestati, quoniam epistola estis Christi ministrata a nobis, et scripta non atramento, sed Spiritu Dei vivi ; non in tabulis lapideis, sed in tabulis cordis carnalibus.

Lectio secunda. (2. *Cor. iij. : 4.*)

[71r.] **F**iduciam talem habemus per Christum ad Deum, non quod sufficientes simus cogitare aliquid a nobis quasi ex nobis, sed sufficientia nostra ex Deo est : qui et idoneos nos fecit ministros novi testamenti, non littera sed spiritu. Littera enim occidit : spiritus autem vivificat. Quod si ministratio mortis litteris deformata in lapidibus fuit in gloria, ita ut non possent intendere filii Israel in faciem

Moyse, propter gloriam vultus ejus que evacuatur : quomodo non magis ministratio spiritus erit in gloria ? Nam si ministratio damnationis facta est in gloria : multo magis abundat ministerium justicie in gloria. Nam nec glorificatum est quod claruit in hac parte : propter excellentem gloriam. Si enim quod evacuatur per gloriam est : multo magis quod manet in gloria est.

Lectio iij. (2. Cor. iij. : 12.)

Habentes igitur talem spem : multa fiducia útimur. Et non sicut Móyses ponébat vélamen super faciém suam, ut non intendérent filii Israel in faciém ejus quod evacuátur : sed obtúsi sunt sensus eórum. Usque in hodiérnum enim diem : idípsum vélamen in lectióne véteris testaméti manet non revelátum, quod in Christo evacuátur. Sed usque in hodiérnum diem cum légitur Móyses :

vélamen est pósito super cor eórum. Cum autem convérsi fúerint ad Deum : auferétur vélamen. Dóminus autem Spíritus est. Ubi autem Spíritus Dómini : ibi libértas. Nos vero omnes reveláta fácie glóriam Dómini speculántes, in eándem imáginem transformámur a claritáte in claritátem : tanquam a Spíritu Dómini.

¶ *Feria iij.*

Lectio j. (2. Cor. iv. : 1.)

Deo habentes hanc ministratióne juxta quod misericórdiam consécuti sumus, non deficimus, sed abdicámus occúlta dedécoris, non ambulántes in astútia

neque adulterántes verbum Dei : sed in manifestatióne veritátis commendántes nosmetípsos ad omnem consciéntiam hóminum, coram Deo.

Lectio ii. (2. Cor. iv. 3.)

Quod si étiam opértum est evangélium nostrum : in his qui péreunt opértum est, in quibus deus hujus séculi excecávit mentes infidélium, ut non fúlgeat illuminátió evangélii glóriæ Christi, qui est imágo Dei. Non enim nosmetípsos predi-

cámus : sed Jesum Christum Dóminum nostrum, nos autem servos vestros per Jesum. Quóniam Deus qui dixit de ténebris lumen splendéscere : illúxit in córdibus nostris ad illuminatióne sciéntie claritátis Dei, in fácie Christi Jesu.

Lectio iij. (2. Cor. iv. 7.)

Habemus autem thesáurum istum in vasis fictílibus, ut sublímities sit virtútis Dei : et non ex nobis. In


ómnibus tribulatióne pátimur : sed non angustiámur. Aporiámur : sed non destitúimur. Persecutióne

pátimur : sed non derelinquimur. Dejícimur : sed non perímus. Semper mortificatióem Jesu in córpore nostro circumferéntes : ut et vita Jesu in corpóribus nostris manifestétur. Semper enim nos qui vívimus in mortem trádimus propter Jesum : ut et vita Jesu manifestétur in carne nostra mortáli. Ergo mors in nobis operátur : vita autem in vobis. Habéntes autem eúndem spíritum fidéi, sicut scriptum est, Crédidi propter quod locútus sum, et nos crédimus propter quod et lóquimur, sciéntes quóniam qui suscitávit Jesum : et nos cum Jesu suscitábit et

constítuet vobíscum. Omnia enim propter vos : ut grátia abúndans per multos in gratiárum actióne abúndet in glóriam Dei. Propter quod non defícimus. Sed licet is qui foris est noster homo corrumpátur : tamen is qui intus est renovátur de die in diem. Id enim quod in presénti est momentáneum et leve tribulatióis nostre supra modum in sublimitáte etérnum glórie pondus operátur in nobis : non contemplántibus que vidéntur, sed que non vidéntur. Que enim vidéntur temporália sunt : que autem non vidéntur etérna sunt. Tu autem.


¶ *Feria quarta.*

Lectio prima. (2. Cor. v. : 1.)

 Cimus enim quóniam si terréstris domus nostra hujus habitatióis dissolvátur : quod edificatióem ex Deo habémus domum non manufactam sed etérnam in celis. Nam et in hoc ingemíscimus habitatióem nostram que de celo est, superíndui cupiéntes :

si tamen véstiti et non nudi inveniámur. Nam et qui sumus in tabernáculo isto ingemíscimus, graváti eo quod nólumus expoliári, sed supervestíri : ut absorbeátur quod mortále est, a vita. Qui autem efficit nos in hoc ipsum Deus : qui dedit nobis pignus Spíritus. Tu autem.

Lectio ij. (2. Cor. v. : 6.)

 Udiéntes ¹⁹ ígitur semper et sciéntes : quóniam dum sumus in hoc córpore peregrinámur a Dómino. Per fidem enim ambu-

lámus : et non per spéciem. Audémus autem, et bonam voluntátem [71v.] habémus : magis peregrinári a córpore, et preséntes esse ad Deum. Et ideo

conténdimus, sive absétes sive presétes : placére illi. Omnes enim nos manifestári opórtet ante tribúnal Christi, ut réferat unusquisque própria córporis prout gessit : sive

bonum sive malum. Sciéntes ígitur timórem Dómini, homínibus suadémus : Deo autem manifesti sumus. Spero autem et in consciéntiis vestris manifestos nos esse.

Lectio iij. (2. Cor. v. : 12.)

Non íterum commendámus nos vobis, sed occasiónem damus vobis gloriándi pro nobis : ut habeátis ad eos qui in fácie gloriántur, et non in corde. Sive enim mente excédimus Deo : sive sóbrii sumus vobis. Cháritas enim Christi urget nos, existimántes hoc, quóniam si unus pro ómnibus mórtuus est : ergo

omnes mórtui sunt. Et pro ómnibus mórtuus est Christus : ut et qui vivunt jam non sibi vivant, sed ei qui pro ipsis mórtuus est et resurréxit. Itaque nos ex hoc : néminem nóvimus secúndum carnem. Et si secúndum carnem Christum cognóvimus : sed nunc jam non nóvimus.

¶ *Feria v.*

Lectio prima. (2. Cor. v. : 17.)

In qua ergo in Christo nova creatúra est : vétera transierunt, ecce facta sunt ómnia nova. Omnia autem ex Deo qui reconciliávit nos sibi per Christum : et dedit nobis ministérium reconciliatiónis. Quóniam quidem Deus erat in Christo mundum reconcilians sibi, non repútans illis delicta ipsórum : et pósuit in nobis verbum reconciliatiónis. Pro Christo ergo

legatióne fúngimur : tanquam Deo exhortánte per nos, obsecrámus pro Christo reconciliámini Deo. Eum enim qui non nóverat peccátum pro nobis peccátum fecit : ut nos efficerémur justítia Dei in ipso.

Adjuvántes autem exhortámur : ne (2. Cor. vj.) in vácuum grátiam Dei recipiátis. Ait enim, Tempóre accépto exaudívi te : et in die salútis adjúvi te.

Lectio secunda. [2. Cor. vj. : 2.]


Ecce nunc tempus acceptábile : ecce nunc dies salútis. Némini

dantes ullam offensiónem : ut non vituperétur ministérium nostrum.

Sed in ómnibus exhibeámus nosmetípsos sicut Dei ministros in multa paciéntia, in tribulatióibus, in necessitatibus, in angústis, in plagis, in cárceribus, in seditiúnibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu Sancto, in charitate non ficta, in verbo veritatis, in virtúte Dei. Per arma justitie a

dextris et a sinístris. Per glóriam et ignobilitatem : per infámiam et bonam famam. Ut seductóres : et veraces. Sicut qui ignóti : et cogníti. Quasi moriéntes : et ecce vivimus. Ut castigati : et non mortificati. Quasi tristes : semper autem gaudétes. Sicut egéntes : multos autem locupletántes. Tanquam nichil habétes : et ómnia possidétes.

Lectio tertia. (2. Cor. vj. : 11.)

 nostrum patet ad vos o Corínthii : cor nostrum dilatatum est. Non angustiámini in nobis : angustiámini autem in viscéribus vestris. Eándem autem habétes remuneratióem, tanquam filiis dico, dilatámini et vos. Et nolíte jugum dúcere cum infidélibus. Que enim participatio justicie cum iniquitate ? Aut que societas luci ad ténebras ? Que autem convéntio Christi ad Bélial ? Aut que pars fidélis cum infidéli ? Qui autem

consensus templo Dei cum idólis ? Vos enim estis templum Dei vivi : sicut dixit Dóminus, quóniam inhabitábo in illis et inambulábo et ero illórum Deus, et ipsi erunt michi pópulus. Propter quod éxite de médio eórum et separámini dicit Dóminus, et immúndum ne tetigéritis, et ego recípiam vos : et ero vobis in patrem, et vos éritis michi in filios et filias, dicit Dóminus omnipotens. Tu autem.

¶ *Dominica quarta.*

[*Ad vespervas.*]²⁰

Oratio.

Deus qui nos in tantis periculis constitutos pro humana scis fragilitate non posse subsistere : da nobis salutem mentis et corporis, ut

ea que pro peccatis nostris patimur, te adjuvante vincamus. Per Dominum nostrum.

[¶ *Ad matutinas.*]²¹

Lectiones de epistola Pauli ad Galathas.

Lectio prima. (Ad Galathas. j. : i.)

Aulus apostolus²² non ab hominibus neque per hominem, sed per Jesum Christum et Deum Patrem qui suscitavit eum a mortuis : et qui mecum sunt omnes fratres ecclesie Galathie. Gratia vobis et pax a Deo Patre nostro et Domino Jesu Christo :
[72r.] qui dedit semetipsum pro peccatis

nostris, ut eriperet nos de presenti seculo nequam secundum voluntatem Dei et Patris nostri, cui est gloria in secula seculorum amen. Miror quod sic tam cito transferimini ab eo qui vos vocavit in gratiam Christi, in aliud evangelium quod non est aliud, nisi sunt aliqui qui vos conturbant et volunt subvertere evangelium Christi.

Lectio secunda. (Ad Galat. j. : 8.)

Sed licet nos aut angelus de celo evangelizet vobis preterquam quod evangelizavimus vobis : anathema sit. Sicut dixi et nunc iterum dico. Si quis vobis evangelizaverit preter id quod accepistis : anathema sit. Modo enim hominibus suadeo an Deo ? An quero hominibus placere ? Si adhuc hominibus placere : Christi servus non essem.

Notum enim vobis facio fratres evangelium quod evangelizatum est a me : quia non est secundum hominem. Neque enim ego ab homine accipi illud neque didici : sed per revelationem Jesu Christi. Audistis enim conversationem meam aliquando in Judaismo, quoniam supra modum persequabar ecclesiam Dei et expugnabam illam et proficiebam in

Judaísmo supra multos coetáneos meos in genere meo, abundantius

emulátor existens paternárum meárum traditiónum.

Lectio tertia. (Ad Galat. j. : 15.)

CUm autem complácuít ei qui me segregávit ex útero matris mee, et vocávit per grátiam suam ut reveláret Fílium suum in me, ut evangelizárem illum in géntibus : contínuo non acquiévi carni et sánguini, neque veni Hierosólymam ad antecessóres meos apóstolos, sed ábii in Arábiam, et íterum revérsus sum Damáscum. Deínde post annos tres veni Hierosólymam vidére Petrum : et mansi apud eum diébus

quíndecim. Alium autem apostolórum vidi néminem : nisi Jacóbum fratrem Dómini. Que autem scribo vobis : ecce coram Deo quia non méntior. Deínde veni in partes Sýrie et Cilície. Eram autem ignótus fácie ecclésiis Judée : que erant in Christo. Tantum autem audítum habébant, quóniam qui persequebátur nos aliquándo : nunc evangelizat fidem quam aliquándo expugnábat, et in me clarificábant Deum.

Lectio quarta. (Ad Galathas. ij. : 1.)

DEínde post annos quatuórdecim íterum ascénderi Hierosólymam cum Bárnaba : assúmpto et Tyto. Ascénderi autem secúndum revelatióne. Et cóntuli cum illis evangélium quod prédico in géntibus : seórsum autem his qui videbántur áliquíd esse, ne forte in vácuum cúrrerem, aut cucurríssem. Sed neque Tytus qui mecum erat cum esset gentílis, compúlsus est circun-

cídi : sed propter subintrodúctos falsos fratres, qui subintroiérunt exploráre libertátem nostram, quam habémus in Christo Jesu, ut nos in servitútem redígerent, quibus neque ad horam céssimus subjectióri, ut véritas evangélii permáneat apud vos. Ab his autem qui videbántur áliquíd esse quales aliquándo fúerint : nichil mea ínterest. Tu autem.

Lectio quinta. (Ad Galat. ij. : 6.)

DEus persónam hóminis non áccipit. Michi enim qui videbántur esse áliquíd : nichil contulérunt. Sed ecóntra, cum vidíssent

quod crédito est michi evangélium prepúti, sicut et Petro circuncisiónis, qui enim operátus est Petro in apostolátum circuncisiónis operátus

est et michi inter gentes, et cum cognovissent grátiam que data est michi, Jacóbus et Cephas et Johánnes qui videbántur colúmne esse, dedérunt michi dextras et Bárnabe

societátis, ut nos in gentes ipsi autem in circuncisiónem tantum,²³ ut páuperum memóres essémus, quod étiam sollicitus fui hoc ipsum fácere.

Lectio sexta. (Ad Galat. ij. : 11.)

CUm autem venisset Cephas Antiochíam : in fáciem ei réstiti, quia reprehensíbilis erat. Prius enim quam venírent quidam a Jacóbo : cum géntibus edébat. Cum autem venissent : subtrahébat et segregábat se, timens eos qui ex circuncisióné erant. Et simulatióni ejus consensérunt céteri Judéi : ita ut et Bárnabas

ducerétur ab eis in illam simulatiónem. Sed cum vidíssem quod non recte ambulárent ad veritátem evangélii : dixi Cephe coram ómnibus. Si tu cum Judéus sis gentíliter et non judaíce vivis : quómo do gentes cogis judaizare ? Nos natúra Judéi : et non ex géntibus peccatóres. Tu autem.

Lectio sancti evangelii secundum Mattheum viij. [: 23-27].

[72v.]

[Lectio vij.]



IN illo témpore. Ascendénte Jesu in navículam : secúti sunt eum discípuli ejus. Et reliqua.

Omelia Origenis.

(6 in diversis.)

Ingrediénte Dómino in navículam secúti sunt eum discípuli ejus : non imbecílles sed firmi et stábiles in fide, mansuéli et pii, spernéntes mundum, non dúplici corde sed símplici. Hi ergo secúti sunt eum,

non tantum gressus ejus sequéntes : sed magis sanctitátem ejus comitántes, et justítiam ejus consecrántes. Et ecce tempéstas magna facta est in mari : ita ut navícula operirétur flúctibus. Facta est tempéstas magna et non pusílla : ut magnum opus et non pusíllum ostenderétur. Quantoque fluctus navícule irruébant, tanto magis discípulos timor conturbábat : ut plus magis desiderárent ad liberándum se mirábilia Salvatóris.

Lectio octava.

Dominus vero dormiēbat. Dormiēbat quidem corpore : sed vigilābat Deitate. Dormiēbat corpore, ut apóstolos suscitāret et evigilāre fāceret, precípue autem omnes nos, ne unquam ánimo dormiāmus neve intellēctu aut prudētia : sed vigilāre in omni tēpore et jubilāre Dómino, et salutem ab eo postulāre studeāmus. Ad quem accedētes discipuli : excitābant eum dicētes, Dómine salva nos. Périmus. Tunc dixit eis Jesus, Quid turbāti estis módice fidēi ? Et surgens imperābat ventis et mari : et facta est tranquillitas magna. Jubet

mari : et non contēmnit. Dicit ventis et tempestātibus : et mox compescūntur. Jubet omni creatūre : et non supergrēditur jussiónem ejus. Sed unum hóminum genus quod secūndum similitúdinem Dei honorificátum est, cui verbum Dei et prudētia data est : hi soli hómines scílicet resistunt. Hi tantum inobediētes sunt : hi soli contēmnunt. Ideóque et hi soli in iudicio damnabūntur, et a justítia puniēntur : velut deterióres mutis animálibus, vel iis que sine spiritu et ánima sunt in isto mundo.

Lectio nona.

Dedit per hec ómnia nobis Dóminus figuram, et doctríne imáginem : ut et nos in omni conturbatióne et contumélia patiēntiam teneāmus, stábiles simus, fidem non deserāmus. Et si iste omnis mundus tanquam mare ebúlliat, atque in furórem consúrgat, et si omnis²⁴ venti et vertígines démonum úndique séviant : et si omnes ut diximus tempestátes maris, id est omnes principátus et potestátes mundi concitēntur et in tumóre iracúndie spument ut fúriant super sanctos, et si adhuc usque ad celum

sese extóllant tempestátes maris, et malignitátes, et dolos et frémitus cóncitent advérsus áliquem vestrum : nolite timére, nolite turbári, nolite contremíscere, nolite deficere. Omnes enim quotquot in fidēi navícula cum Dómino navigátis, omnes quotquot in hac nimirum sancte ecclēsie navícula cum Dómino per hunc undósum supernatátis mundum, et si ipse Dóminus dórmiat pio somno vestram patiēntiam et tolerántiam expéctans, vel impiórum penitēntiam et conversiónem sústinens : aláriter accédite ad eum oratióibus instántes,

atque cum prophéta dicétes, Exúrge
quare abdórmis Dómine ? Exúrge et
non repéllas nos usque in finem. Et

íterum, Exúrge Dómine ádjuva nos :
et rédime nos propter nomen tuum.

[**C** *In laudibus.*]


AS:126; 1519:127v; 1531:72v.

1489.


Ant.
VI.




S- cendénte * Je-su in na- ví-cu-lam, ecce mo-



tus mag- nus factus est in ma-ri : et susci- ta-vé-runt e-um



discí-pu- li e- jus di-cétes, Dómi- ne salva nos pe- rímus.



Ps. Benedictus. 56.*

[*Oratio ut supra.*]²⁵ 712.

[**C** *Ad vesperas.*


AS:127; 1519:128r; 1531:72v.

5074.

Ant.
VIII.i.



Urgens * Je- sus impe-rá-vit ven-tis et ma-ri :



et facta est tranquí-li-tas magna. *Ps. Magnificat.* 61*.

[*Oratio ut supra.*]²⁶ 712.

¶ *Feria secunda.*

Lectio prima. (Ad Galathas. ij. : 16.)

Ratres sciéntes autem quod non justificátur homo ex opéribus legis, nisi per fidem Jesu Christi : et nos in Christo Jesu crédimus ut justificémur ex fide Jesu Christi, et non ex opéribus legis. Propter quod ex opéribus legis non justificábitur omnis caro. Quod si queréntes justificári in Christo, invénti sumus et ipsi peccatóres : nunquid Christus peccáti mínister est ? Absit. Si enim que destrúxi hec

íterum reedífico : prevaricatórem me constítuo. Ego enim per legem legi mórtuus sum : ut Deo vivam. Christo confixus sum cruci. Vivo autem jam non ego : vivit vero in me Christus. Quod autem nunc vivo in carne : in fide vivo Fílii Dei qui [73r.] diléxit me, et trádedit semetípsum pro me. Non abjicio grátiam Dei. Si enim per legem est justítia : ergo Christus gratis mórtuus est. Tu.

Lectio ij. (Ad Galathas. iij. : 1.)

Insensáti Gálathe, quis vos fascinávit veritáti non crédere, ante quorum óculos Jesus Christus proscríptus est, et in vobis crucifixus ? Hoc solum a vobis volo díscere, Ex opéribus legis Spíritum accepístis : an ex audítu fidéi ? Sic stulti estis, ut cum Spíritu cepéritis : nunc carne consummémini. Tanta passi estis sine causa : si tamen sine causa. Qui

ergo tríbuit vobis Spíritum, et operátur virtútes in vobis : ex opéribus legis, an ex audítu fidéi ? Sicut scriptum est, Crédidit Abraham Deo : et reputátum est ei ad justítiam. Cognóscite ergo quia qui ex fide sunt : hii sunt filii Abrahe. Próvidens autem scriptúra quia ex fide justificat Deus gentes, prenunciávit Abrahe : quia benedicéntur in te omnes gentes.

Lectio tertia. (Ad Galat. iij. : 9.)

Igitur qui ex fide sunt : benedícentur cum fidéli Abraham. Quicúnque enim ex opéribus legis sunt : sub maledícto sunt. Scriptum est enim, Maledíctus omnis qui non permánserit in ómnibus que scripta

sunt in libro legis : ut fáciat ea. Quóniam autem in lege nemo justificátur apud Deum : manifestum est, quia justus ex fide vivit. Lex autem non est ex fide : sed qui fécerit ea vivet in illis. Tu.

¶ *Feria iij.*

Lectio j. (Ad Galathas. iij. : 13.)

Christus autem nos redémit de maledícto legis, factus pro nobis maledíctum, quia scriptum est, maledíctus omnis qui pendet in ligno, ut in géntibus benedíctio Abrahe fieret in Christo Jesu, ut pollicitatióem Spíritus accipiámus per fidem. Fratres,

secúndum hóminem dico, Tamen hóminis confirmátum testaméntum : nemo spernit aut superórdinat. Abrahe dicte sunt promissióes : et sémini ejus. Non dicit, et semínibus, quasi in multis : sed quasi in uno, et sémini tuo, qui est Christus.

Lectio ij. (Ad Galat. iij. : 17.)

Hoc autem dico testaméntum confirmátum a Deo : que post quadringéntos et trigínta annos facta est lex, non írritum facit ad evacuándam promissióem. Nam si ex lege heréditas : jam non ex promissióe. Abrahe autem : per

repromissióem donávit Deus. Quid igitur lex ? Propter transgressióem pósito est : donec veníret semen cui repromiserat, ordináta per ángelos in manu mediatóris. Mediátor autem unius non est, Deus autem unus est.

Lectio tertia. (Ad Galat. iij. : 21.)

Lex ergo advérsus promissa Dei ? Absit. Si enim data esset lex que posset vivificáre : vere ex lege esset justítia. Sed conclúsit scriptúra ómnia sub peccáto : ut promissio ex


fide Jesu Christi darétur credéntibus. Prius autem quam veníret fides : sub lege custodiebámur conclúsi, in eam fidem que revelánda erat. Itaque lex pedagogus noster fuit in Christum

Jesum : ut ex fide justificémur. At
ubi venit fides : jam non sumus sub

pedagógo. Omnes enim filii Dei estis
per fidem : in Christo Jesu.

¶ Feria iiij.

Lectio prima. (Ad Galat. iij. : 27.)

 Uicúnque enim in Christo
baptizáti estis : Christum
induístis. Non est Judéus,
non est Grecus, non est servus neque
liber non est másculus neque fémina.
Omnes enim vos : unum estis in
Christo Jesu. Si autem vos Christi :

ergo Abrahe semen estis, et
secúndum promissionem herédes.

Dico autem, Quanto témpore heres *(Ad Galat. iv.)*
párvulus est : nichil differt a servo :
cum sit dóminus ómnium, sed sub
tutóribus et actóribus est, usque ad
prefínitum tempus a patre. Tu autem.

Lectio secunda. (Ad Galat. iv. : 3.)

ITa et nos cum essémus párvuli :
sub eleméntis mundi erámus
serviéntes. At ubi venit plenitúdo
témporis : misit Deus Fílium suum
factum ex muliére, factum sub lege,
ut eos qui sub lege erant redímeret, ut
adoptiónem filiórum reciperémus.
Quóniam autem estis filii Dei : misit
Deus Spíritum Fílii sui in corda
nostra clamántem Abba Pater.
Itaque : jam non est servus sed filius.

Quod si filius : et heres per Deum.
Sed tunc quidem ignorántes Deum :
his qui natúra non sunt dii serviebátis.
Nunc autem cum cognovéritis Deum,
immo cogníti sitis a Deo : quómodo
convertímini íterum ad infirma et
egéna eleménta, quibus dénuo servíre
vultis. Dies observátis et menses : et
témpora et annos. Tímeo ne forte
sine causa laboráverim in vobis. *[73v.]*
Estóte sicut ego : quia et ego sicut vos.

Lectio tertia. (Ad Galat. iv. : 12.)

FRatres, obsécro vos : nichil me
lesístis. Scitis autem quia per
infirmítatem carnis evangelizávi vobis
jam pridem et tentatióem vestram in
carne mea non sprevístis neque
respuístis : sed sicut ángelum Dei
excepístis me, sicut Christum Jesum.

Ubi est ergo beatitúdo vestra ?
Testimónium enim perhíbeo vobis :
quia si fieri potuisset, óculos vestros
eruissetis et dedussétis michi. Ergo
inimicus vobis factus sum, verum
dicens vobis ? Emulántur vos non
bene : sed excludere vos volunt, ut

illos emulámini. Bonum autem emulámini in bono semper : et non

tantum cum presens sum apud vos.

¶ Feria v.

Lectio j. (Ad Galathas. iv. : 19.)

Filióli mei quos íterum partúrio : donec Christus formétur in vobis, vellem autem esse apud vos modo et mutáre vocem meam, quóniam confúndor in vobis. Dícite michi qui sub lege vultis esse, Legem non legístis ?

Scriptum est enim, quóniam Abraham duos filios hábuit : unum de ancílla, et unum de líbera. Sed qui de ancílla secúndum carnem natus est : qui autem de líbera per reproductiónem. Que sunt per allegóriam dicta.

Lectio secunda. (Ad Galat. iv. : 24.)

Hec enim sunt duo testaménta. Unum quidem in monte Syna in servitútem génerans : que est Agar. Sina enim mons est in Arábia, qui conjúctus est ei que nunc est Hierúsalem : et servit cum filiis suis.

Illa autem que sursum est Hierúsalem líbera est : que est mater nostra. Scriptum est enim, Letáre stérilis que non paris : erúmpe et clama que non párturis : quia multi filii desérte, magis quam ejus que habet virum.

Lectio tertia. (Ad Galat. iv. : 28.)

Nos autem fratres : secúndum Isaac promissiónis filii sumus. Sed quo modo tunc, is qui secúndum carnem natus fúerat persequébatur eum qui secúndum Spíritum : ita et nunc. Sed quid dicit scriptúra ? Ejice ancíllam : et filium ejus. Non enim

heres erit filius ancílle : cum filio líbere. Itaque fratres non sumus ancílle filii : sed líbere. Qua libertáte Christus nos liberávit. State ergo et nolíte íterum jugo servitútis continéri. Tu autem Dómine.

¶ *Dominica quinta.*

[*Ad vesperas.*]²⁷

*Oratio.*²⁸

Famíliam tuam quésumus Dómine continúa pietáte custódi : ut que in sola spe grátie celéstis

innítitur, tua semper protectióne muniátur. Per Dóminum.

[¶ *Ad matutinas.*]²⁹

Lectiones de epistola Pauli ad Philippenses.

Lectio j. (Ad Philippen. j. : i.)

Aulus³⁰ et Timótheus servi Jesu Christi, ómnibus sanctis in Christo Jesu qui sunt Philíppis : cum epíscopis et dyaconibus. Grátia vobis et pax a Deo Patre nostro : et Dómino Jesu Christo. Grátias ago Deo meo in omni memória vestri semper in cunctis oratióibus meis pro ómnibus vobis, cum gáudio deprecationem

fáciens super communicatióne vestra in evangélio Christi, a prima die usque nunc : confidens hoc ipsum quia qui cepit in vobis opus bonum, perfíciet usque in diem Christi Jesu. Sicut est michi justum hoc sentíre pro ómnibus vobis, eo quod hábeam vos in corde et in vínculis meis et in defénsiÓne et confirmatiÓne evangélii : sócios mei omnes gáudii vos esse.

Lectio secunda. (Ad Philip. j. : 8.)

Testis enim michi est Deus : quómo do cúpiam omnes vos in viscéribus Jesu Christi. Et hoc oro, ut cháritas vestra magis ac magis abúndet in sciéntia et in omni sensu, ut probétis potióra : ut sitis sincéri³¹ et sine offénsa in die Christi, repléti fructu justítie, per Jesum Christum in glóriam et laudem Dei. Scire autem vos volo, fratres, quia que circa me

sunt magis ad proféctum venérunt evangélii, ita ut víncula mea manifésta fierent in Christo in omni pretório et in céteris ómnibus : ut plures e frátribus in Dómino confidéntes, vínculis meis confortáti, abundántius audérent sine timóre verbum Dei loqui. Quidam quidem et propter invídiam et contentiÓnem : quidam autem et propter voluntátem bonam

Christum prédicant. Quidam ex charitate : sciétes quóniam in defénsione evangélii pósito sum. Qui-

dam autem ex contentióne Christum annúnciant : non sincére existimátes pressúram se suscitáre vínculis meis.

Lectio iij. (Ad Philip. j. : 18.)

[74r.] **Q**uid enim dum omnímodo sive per occasiónem sive per veritátem Christus annúnciétur ? Et in hoc gáudeo : sed et gaudébo. Scio enim quia hoc michi provéniet ad salutem per vestram oratióem, et subministratióem Spíritus Jesu Christi secúndum expectatióem et spem meam, quia in nullo confúndar : sed in omni fidúcia sicut semper et nunc magnificábitur Christus in córpore meo, sive per vitam sive per mortem. Michi enim vívere Christus est: et mori lucrum. Quod si vívere in carne hic michi fructus est óperis : et quid éligam ignóro. Coártor autem e duóbus, desidérium habens dissólvi et cum Christo esse, multo magis enim mélius : permanére autem in carne magis necessárium est propter

vos. Et hoc confidens, scio quia manébo et permanébo ómnibus vobis ad proféctum vestrum et gáudium fidéi : ut gratulatio vestra abúndet in Christo Jesu in me per meum advéntum íterum ad vos. Tantum digne evangélio Christi conversámini : ut sive cum vénero et vídero vos, sive absens áudiam de vobis quia statis in uno spírítu unánimes collaborátes fidéi evangélii, et in nullo terreámini ab adversáriis que est illis causa perditionis, vobis autem salutis. Et hoc a Deo, quia vobis donátum est pro Christo non solum ut in eum credátis : sed ut étiam pro illo patiámini, idem certámen habétes quale et vidístis in me, et nunc audístis de me.

Lectio quarta. (Ad Philip. Cap. ij. : 1.)

SI qua ergo consolátio in Christo, si quod solátium charitátis, si qua societas Spíritus, si qua víscera pietátis : impléte gáudium meum ut idem sapiátis : eándem charitátem habétes unánimes, idípsum sentiétes. Nichil per contentiónem

neque per inánem glóriam : sed in humilitáte superióres sibi ívicem arbitrátes, non que sua sunt sínguli considerátes, sed et ea que aliórum. Hoc enim sentíte in vobis : quod et in Christo Jesu. Qui cum in forma Dei esset : non rapínam arbitrátus est esse

se equálem Deo, sed semetípsum exinanívit formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem : mortem autem crucis. Propter quod et Deus exaltávit illum,

et donávit illi nomen quod est super omne nomen : ut in nómine Jesu omne genu flectátur celéstium terréstrium et infernórum, et omnis lingua confiteátur, quia Dóminus Jesus Christus in glória est Dei Patris.

Lectio v. (Ad Philip. ij. : 12.)

ITaque charíssimi mei, sicut semper obedístis non in preséntia mei tantum : sed multo magis nunc in abséntia mea, cum metu et tremóre salútem vestram operámini. Deus est enim qui operátur in vobis et velle et perficere : pro bona voluntáte. Omnia autem fácite sine murmuratióibus et hesitatióibus ut sitis sine quérela, et simplices filii Dei, sine reprehénsiõe in médio natiónis prave et perversæ, inter quos lucétis sicut luminária in mundo, verbum vite continétes ad glóriam meam in diem Christi : quia non in vácuum cucúrri neque in vácuum laborávi. Sed et si ímmolor supra sacrificium et obséquium fidéi vestre : gáudeo et

congrátulor ómnibus vobis. Idípsum autem et vos congaudéte : et congratulámini michi. Spero autem in Dómino Jesu Christo, Timótheum cito me mittere ad vos : ut et ego bono ánimo sim, cógnitis que circa vos sunt. Néminem enim hábeo tam unánimem : qui sincéra affectiõe pro vobis sollicitus sit. Omnes enim que sua sunt querunt : non que sunt Christi Jesu. Experimentum autem ejus cognóscite : quóniam sicut patri filius mecum servívit in evangélio. Hunc ígitur spero me mittere ad vos : mox ut vídero que circa me sunt. Confido autem in Dómino : quóniam véniam et ipse ad vos cito. Tu autem [Dómine miserére nostri].³²

Lectio vj. (Ad Philip. ij. : 25.)

NEcessárium autem existimávi Epafródítum fratrem et cooperatórem et commilitónem meum, vestrum autem apóstolum et mínistrum necessitátis mee mittere ad vos :

quóniam quidem omnes vos desiderábat, et mestus erat proptérea quod audierátis illum infirmátum. Nam et infirmátus est usque ad mortem : sed Deus misértus est ejus.

Non solum autem ejus, verunétiam et mei : ne tristítiam super tristítiam habérem. Festinántius ergo misi illum, ut viso illo íterum gaudeátis : et ego sine tristítia sim. Excípíte itaque illum cum omni gáudio in [74v.] Dómino, et ejúsmodi cum omni honóre habetóte, quóniam propter

opus Christi usque ad mortem accessit, tradens ánimam suam : ut impléret id quod ex vobis déerat erga meum obséquium.

De cétero fratres mei gaudéte in (Cap. iij.) Dómino. Eadem me vobis scríbere, michi quidem non pigrum : vobis autem necessárium.

¶ *Lectio sancti evangelii secundum Mattheum xiiij. [24-30.]*



IN illo témpore. Dixit Jesus discípulis suis parábolam hanc. Símile est regnum celórum hómini : qui seminávit bonum semen in agro suo. Et reliqua.

*Omelia beati Hieronymi presbyteri.
(In commenta. Super Matt. xiiij.)³³*

Hec secúnda parábola est cum interpretatióne sua non statim pósita : sed interjéctis áliis parábolis edissérta. Hic enim prepónitur, et póstea dimíssis turbis venítur domum : et accédunt ad eum discípuli ejus rogántes, Edíssere nobis parábolam

zizaniórum agri et reliqua. Non ergo débemus própere ³⁴ intelligéndi desidério, ante ejus notíciam quérere : quam a Dómino edisserátur. Propónit eis et áliam parábolam, more dívitis qui divérsis invitátos reficiens cibis ut unusquisque secúndum natúram stómachi sui, vária aliménta suscípiat. Ait enim, Símile est regnum celórum hómini : qui seminávit bonum semen in agro suo. Regnum celórum predicátio evangélii est, et notícia scripturárum : que ducit ad vitam. De qua dicitur ad Judéos, Auferétur a vobis regnum Dei : et dábitur genti faciénti fructus ejus. Tu autem.

Lectio viij.

Qui seminávit bonum semen in agro suo. Bonum non séminat nisi bonus : qui semen bone voluntátis ad bona ópera studet perdúcere. Docet in hoc loco

Dóminus bonam voluntátem et cautélam et sapiéntiam et discretiónem : et longanimitátem et justítiam. Docet cautélam : ubi dicit, Cum autem hómines dormírent, id

est inértia et incúria torpérent, qui áliis ad custódiám sunt deputáti scílicet preláti ecclésie : venit inimícus homo et superseminávit zizánia, hoc est heréticos permiscuit eléctis. Et zizánia sunt : que non de sémine trítici pervéniunt. Pálee vero hi : qui et si non vita, fide tamen sunt de ecclésia. Cum autem crevísset herba et fructum fecísset : tunc apparuérunt

zizánia, id est hereticórum dogmáta. Quia cum spirituális esse céperit homo : tunc júdicat ómnia et tunc ei appárent erróres, sed donec maturéscat qui herba est. Potest enim movére : quare sub nómine Christi tot sunt héreses. Unde dicunt, Nonne bonum semen seminásti in agro tuo ? Unde ergo habet zizánia ? Tu autem.

Lectio nona.

AIt illis Dóminus. Inimícus homo hoc fecit. Ecce patiéntia. Non enim audíto dolo exársit in iram, nec mox ulcisci vóluit : ita nos lesi patiénter ferámus. Servi autem dixerunt, Vis imus et colligámus ea ? Id est : excommunicémus eos. Et ait, Non. Ibi enim patiénter tollerándi sunt mali : ubi áliqui inveniúntur boni. Cum ergo spirituális homo hoc audit esse a dyábolo, qui nichil valet contra voluntátem Dei : potest ei volúntas suboríri ut tales áuferat de mundo si facultátem hábeat. Sed conclusit justítia Dei an fácere débeat : et an Deus velit hoc officium hóminum. Sed véritas respóndet non nosse hóminem in hac vita, qualis futúrus sit qui modo errat, vel quid error quidem eis cónferat : et ideo non esse tolléndos, ne boni interficiántur, quod forte futúri sunt,

vel ne bonis obsit quibus prosunt. Tunc vero oportúne fieri, cum jam non est tempus commutánde vite, vel proficiéndi áliis : et tunc non ab homínibus sed ab ángelis dicit fieri. Ne forte colligéntes zizánia : eradicétis simul cum eis et tríticum. Ecce discrétio. Sic et tu ne reddas vicem malis ut scandálizes bonos : sed ut eis prosit, patére. Hic datur locus patiéntie, et monémur non cito amputáre : quia qui hódie errat, cras forsán deféndet veritátem. Si ergo modo avellerétur : tríticum quod futúrum erat eradicarétur. Vel necesse est ut mali permíxti sint bonis per quos exerceántur : vel quorum comparatióne nitántur ad mélius. Quibus sublátis : altitúdo charitátis marcéscat, quod est eradicári. Tu [75r.] autem.

¶ *Feria secunda.*

Lectio prima. (Ad Philip. iij. : 2.)

Ratres, vidéte canes, vidéte malos operários : vidéte concisiónem. Nos enim sumus circuncisio qui spíritu Deo sérvimus,

et gloriámur in Christo Jesu, et non in carne fidúciam habéntes : quam et ego hábeam in carne confidéntiam.

Lectio ij. (Ad Philip. iij. : 4.)

SI quis autem álius vidétur confidere in carne : ego magis circuncisus octáva die ex genere Israel, de tribu Bénjamin, Hebréus ex Hebréis, secúndum legem Phariséus, secúndum emulatióem pérsequens

ecclesiám Dei, secúndum justítiam que in lege est, conversátus sine quérela. Sed que michi fuérunt lucra : hec arbitrátus sum propter Christum detriménta.

Lectio tertia. (Ad Philip. iij. : 8.)

Verúntamen et exístimo ómnia detriméntum esse, propter eminentem sciéntiam Jesu Christi Dómini mei, propter quem ómnia detriméntum feci, et árbitror ut stércora, ut Christum lucrifáciam : et invéniam in illo non habens meam justítiam que est ex lege, sed eam que ex fide est Christi Jesu, que est ex Deo justítia in fide, ad agnoscéndum

illum et virtútem resurrectionis ejus, et societátem passiónum illius, configurátus morti ejus, si quo modo occúrram ad resurrectionem que est ex mórtuis. Non quod jam accéperim aut jam perféctus sum³⁹ : sequor autem si quo modo comprehéndam, in quo et comprehénsus sum a Christo Jesu. Tu autem.

¶ *Feria tertia.*

Lectio prima. (Ad Philip. iij. : 13.)

Ratres : ego me non árbitror comprehéndisse. Unum autem, que quidem retro sunt obliviscens, ad ea vero que sunt prióra

exténdens meípsum : ad destinátum perséquor, ad bráviúm supérne vocatiónis Dei, in Christo Jesu. Quicúnque ergo perfécti sumus : hoc

sentiámus. Et si quid áliter sápitis : et hoc vobis Deus revelábit. Verún-tamen ad quod nos pervénimus, ut idem sapiámus : et in éadem perma-

neámus régula. Imitatóres mei estóte, fratres, et observáte eos qui ita ámbulant : sicut habétis formam nostram.

Lectio ij. (Ad Philip. iij. : 18.)

Multi enim ámbulant quos sepe dicébam vobis, nunc autem et flens dico inimícos crucis Christi : quorum finis intéritus, quorum Deus venter est, et glória in confusióne eórum qui terréna sápiunt. Nostra autem conversátio in celis est. Unde

étiam Salvatórem expectámus Dómi-num nostrum Jesum Christum qui reformábit corpus humilitátis nostre configurátum córpori claritátis sue : secúndum operatióem qua étiam possit subjícere sibi ómnia.


Lectio tertia. (Ad Philip. Cap. iv. : 1.)

Itaque, fratres mei charíssimi et desideratíssimi, gáudium meum et coróna mea : sic state in Dómino charíssimi. Euchódiam rogo et Sínthicem déprecor : idípsum sápere

in Dómino. Etiam rogo et te ger-máne compar, ádjuva illas que mecum laboravérunt in evangélio cum Cleménte et céteris adjutóribus meis : quorum nómina sunt in libro vite.

¶ *Feria quarta.*

Lectio prima. (Ad Philip. iv. : 4.)

 Audéte in Dómino semper : íterum dico gaudéte. Modéstia vestra nota sit ómnibus hómínibus : Dóminus enim prope est. Nichil solliciti sitis : sed in omni oratióne et obsecratióne cum

gratiárum actióne, petitiónes vestre innotéscant apud Deum. Et pax Dei que exúperat omnem sensum : custódiat corda vestra et intelligéntias vestras in Christo Jesu.

Lectio secunda. (Ad Philip. iv. : 8.)

DE cétero fratres quecúnque sunt vera, quecúnque pudíca, quecúnque justa, quecúnque sancta,

quecúnque amabília, quecúnque bone fame, si qua virtus, si qua laus disciplíne : hec cogítate que didicístis

et accepistis, et audistis et vidistis in me. Hec agite : et Deus pacis erit

vobiscum. Tu autem.

Lectio tertia. (Ad Philip. iv. : 10.)

G Avisus sum autem in Domino vehementer, quoniam tandem aliquando refluistis pro me sentire : [75v.] sicut et sentiebatis. Occupati enim eratis. Non quasi propter penuriam dico : ego enim didici in quibus sum sufficiens esse. Scio et humiliari :

scio et abundare. Ubique et in omnibus institutus sum : et saturari et esurire, et abundare et penuriam pati. Omnia possum : in eo qui me confortat. Veruntamen bene fecistis : communicantes tribulationi mee. Tu autem, Domine.

¶ *Feria quinta.*

Lectio prima. (I. ad Thess. j. : 1.)⁴⁰

M Aulus, et Silvanus, et Timotheus : ecclesie Thessalonicensium in Deo Patre Domino nostro et Jesu Christo. Gratia vobis et pax. Gratias agimus Deo semper pro omnibus vobis memoriam vestri facientes in

orationibus nostris, sine intermissione, memores et operis fidei vestre, et laboris et caritatis et sustentie spei Domini nostri Jesu Christi : ante Deum et Patrem nostrum.

Lectio secunda. (I. ad Thess. j. : 4.)

S Cientes fratres dilectissimi a Deo electionem vestram, quia evangelium nostrum non fuit ad vos in sermone tantum : sed et in virtute et in Spiritu Sancto, et in plenitudine multa, sicut scitis, quales fuimus in vobis propter vos. Et vos imitatores nostri facti estis et Domini, excipientes verbum Dei in

tribulatione multa cum gaudio Spiritus sancti : ita ut facti sitis forma omnibus credentibus in Macedonia et in Achaia. A vobis enim diffamatus est sermo Domini non solum in Macedonia et in Achaia, sed et in omni loco fides vestra que est ad Deum perfecta est : ita ut non sit nobis necesse quicquam loqui.


Lectio tertia. (1. ad *Thess. j.* : 9.)

Ipsi enim de vobis annúnciant qualem introítum habuérimus ad vos, et quómodo convérsi estis ad Deum a simuláchris : servíre Deo vivo et vero, et expectáre Fílium ejus de celis quem suscitávit ex mórtuis Dóminum Jesum, qui erípuit nos ab ira ventúra.

Nam et ipsi scitis fratres introítum nostrum ad vos quia non inánis fuit : sed ante passi multa et contuméliis affécti sicut scitis in Philíppis, fidúciam habúimus in Dómino nostro loqui ad vos evangélium Dei in multa sollicitúdine. Tu autem Dómine [miserére nostri].⁴² (1. ad *Thess. ij.*)⁴¹

Notes.

Notes, pages 693-730.

- ¹ 1519:127r.
² 'apóstolus servus', 1519:127r.
³ SB:ccccxxvi.
⁴ 1519:127r.
⁵ *Bede* Serm. Hyemales de Tempore *Op.* vii. 204. [SB:ccccxxviii.]
⁶ 'Dóminus noster', 1519:127r.
⁷ In AS:126. 'Núpcie' is set F G GAGF.
⁸ 1519:127r.
⁹ 1531:69r. indicates 'Ps. Miserére. l.' at this point, as if this were the first antiphon of Lauds of a feria.
¹⁰ 1519:127r.
¹¹ 'superdificat', 1531:69r.
¹² 'mysteriórum' *Vulg.* [SB:ccccxli.]
¹³ 'indiáre' *Chev.* [SB:ccccxlii.]
¹⁴ 1519:127r.
¹⁵ 1519:127v. begins thus:
- 
- Cum autem * descendís-set
- ¹⁶ 1519:127v.
¹⁷ In AS:149. and 1519:145r. "in" is set F.
¹⁸ 1519:127v.
¹⁹ 'Audéntes,' *Vulg.* [SB:cccclii.]
²⁰ 1519:127v.
²¹ 1519:127v.
²² 'Paulus apóstolus Jhesu Christi.' 1519:127v.
²³ 'in circumcisiónem : tantum ut,' *Vulg.* [SB:cccclvii.]
²⁴ 'omnes', SB:cccclix.
²⁵ 1519:128r.
²⁶ 1519:128r.
²⁷ 1519:128r.
²⁸ 1519:128r. adds 'Orémus.'
²⁹ 1519:128r.
³⁰ 1519:128r. repeats the cue of dominica iv. 'Paulus apóstolus Jesu Christi.'
³¹ 'sincéres,' *Chev.* [SB:cccclxv.] *Vulgate* has 'sínceri'.
³² SB:cccclxviii.
³³ Hieron. *Op.* Tom. VI. 25. [SB:cccclxviii.]
³⁴ 'properáre,' *ed. Hieron.* [SB:cccclxix.]

Notes.

³⁵ No flat appears in 1519:128r. 1519:128r. has 'zizániam.'

³⁶ 1519:128r.

³⁷ 1531:75r. has 'alligáte ea in fascículos'.

³⁸ 1519:128r.

³⁹ 'sim,' *Vulg.* [SB:cccclxxi.]

⁴⁰ 'Ad the. I.' *Chev.* [SB:cccclxxiii.]

⁴¹ '(Gala. 2.)' *Chev.* [SB:cccclxxiv.]

⁴² SB:cccclxxiv.